

南豐先生元豐類藁

二

蘇軾
元豐
類藁
PDG

元豐類稿卷第二十二

制詔

吳居厚京東轉運副使呂孝廉轉運判官制

勅具官某朕進拔能吏以背視一路蓋州縣政令之舉措公私貨食之歛散莫不任焉得人之難政擇惟慎以爾幹敏閱試惟精用是分致東部屬以使事夫施於民者厚而刑罰清求於民者約而財用贍使德流澤通而風化輯穆以稱朕憂憫元元而勵精吏務之意爾其勉矣往服凱辭可

西頭供奉官武遂等轉官制

勅具官某王師西出以討不庭爾能殲孽兇殘恢復州縣鐸功增位不以吹吁勉服朕恩益思奮勵可

曲珍四廂都指揮使緣州防禦使制

勅具官某羌之數心內相危害王師薄伐蓋將天威爾能躬將士徒摧堅殲敵斬捕甚衆鼓行無前周衛典軍之官名威衆侮之寄燕是寵數以時爾庸尚有異恩待爾來效可

文思使張俊等遷官制

勅具官某朕愛命六師幸辭西伐爾能効其忠勇深入苑中獲醜摧堅以捷奉上職陞位等以慰爾勞其能繼於前功朕豈猶於信賞可

文及甫吏部員外郎制

勅具官某朕正百工之名而將責其實効其官吏者擇尤慎天官之屬食曰汝能其往欽哉無忘勉勵可

許安世都官員外郎制

勅具官某徒隸備後之人典其廢置而時其迁序主以即吏其選甚高爾蚤以敏明升華儒館宜增階等往流要職尚思勉懋以稱東求可

皇伯宗諤贈太尉韓王制

勅王者之於天爲覆之以光榮而恤其死喪之戚所以本人倫教天下也具官某以德則循理小心始終無悔以功則受命仁祖趣史備極以位則渠門赤舄任熱相持以爵則曠於五等列爲真王以親則先帝之從父兄而余曰伯父顯名美實福祿之全可謂盛矣耄邁羸疾至若不起余聞震悼悼其致哀再不御朝以伸情礼是用追加書賚進秩上公答此大邦隆崇號稱余於親親之恩可謂隆矣尚惟不昧服此寵章可

齊宗壽三班借職制

勅某有司言爾滿歲當遷而雙進爾勞又當曠等是用加茲寵渥列於命秩往惟祗服以稱甄收可

交州進奉使副梁用律洛宛副使阮倍太常博士制

勅具官某策名蕃服納貢王庭將事之勤朕用甄錄進其位等故惟精章往辦茂恩毋忘祗恪可

皇伯宗惠新婦郭氏進封郡夫人制

勅具官某新婦某氏司宗於屬為近於位為重王於爵為貴蓋禮秩之見於外者既寵則施於內者宜殊爾德性淑均稱其家室爰加象服之盛以大鵲巢之榮其尚欽承茲為異數可

賈昌衡知鄧州制

勅記舊俗者稱南陽之民夸奢上氣力難制卿今其餘習殆尚有存者故有邦之任朕不輕以為人具官其中外踐更令聞惟舊茲用政擇往分彼土蓋穰清間雖俗雜難治然教民敦本興於好善召信臣杜詩之遺跡在焉使農桑勸而風俗厚爾尚思繼于前人其往懋哉無替朕命可

李良輔知鹽州張玠陝州崔慶蔡州王諷徐州制

勅具官某朕董正治官自朝廷始至於六服群吏莫不考稽其名以督課其實夫宣恩德以逮下厚風俗以承上其選為重者非長民之任乎爾惟其人屬以茲位蓋奉職遵禮以有循良之稱苟能自勉則寵勞歸最以明國家之典朕敢忘哉往欽朕司方稽爾效可

知泉州陳師梓州吳幾後湖州唐徽問並任制

勅具官某吏之奉職循理能附其民使之久於其官則上下相安而治化易洽今爾之材宜於既試俾仍舊服以懋厥庸尚幹朕恩益思速効可

吳安持太僕少卿制

勅具官某車府廐馬牧監之政典以卿士其選甚高念非得人曷贊其治爾材質明所嘗更器使以憂去位既終褒紀宜更階等往肅厥官其勤夙宵以敘功實可

約襲二右班殿直制

勅具官某夷獠背恩賊殺命吏爾能擊刺醜類獻其首級宜陞位序以獎爾勞尚勵壯圖益思來効可

馮正符借職制

勅某西南夷背德數心敢關邊陳爾能通宣兩誼協助軍謀宜進官榮屬之守護勉思奮勵無替前功可

奉議郎景思誼授東上閣門使都延第一副將制

勅具官某西討之兵有陳戰之功者朕無不錄爾能致其材武奮擊賊寇克敵摧鋒屢以捷報庸庸較實宜有異恩介上閣之使名貳連營之將領茲為獎拔益匪常科尚勵壯謀益思來効可

皇太后親懿高公繪通州刺史高公紀達州刺史制

勅具官某等朕有顯親之心欲形於天下故加恩母黨所以本人情隆世教也爾等皆於外家實在近屬持身恭慎朕所識察刺睦州郡典視祠官秩寵地優並育授用尚勵爾欽承之志以稱余懷愛之仁可

梅福封壽春真人制

勅某在漢之際數以孤遠極言天下之事其志壯哉晚

而家君讀書養性卒遺俗高蹈世傳為仙今大江之西
實存舊像禱祠輒應能澤吾民有司上聞是用錫茲顯
號光靈不泯其服朕恩可

卓順之直翰林醫官局等制

勅某稽其醫事而制其食先王之典也屬以愛主之疾
爾能調治有瘳是用寵以官榮進其服品往遵厥職無
替恪恭可

成卓閣門抵候制

勅具官某長川廣谷之間與蠻夷壤接爾屢徵巡之任
能疎達人情輯寧疆候守邊之臣稱爾之材謂難代易
是用進爾職於上閤而俾恭其舊服朕於念勞獎善之
心可謂至矣其思綏靖以稱朕恩可

凌德本族副都軍主等制

勅某守邊之臣屬爾奉其方物來獻闕庭朕惟爾嘉是
用命爾遷其種落典治一軍性勵忠勤益思來効可

景青宜党令支團練使阿星刺史制

勅某爾有摧鋒克敵之功而又來其方貢求見闕廷實
勇且忠法當勳進兵圍之任以寵爾勞往其祇服益忠
來効可

論禮巴柯族軍主結廝維柯族副軍主制

勅某爾父有嚮慕中國之心攻而不遂其志為爾子朕
頒備一官朕甚憐之是用加命爾秩往其祇服益勵忠

勤可

阿憐官提廝維並本族副軍主制

勅某爾父效貢求庭因得進見以爾為請頒備一官朕
嘉其專嚮中國之勤是用錫爾命秩往思忠恪以稱朕
恩可人入備貢席以爾為請

溫高知欽州制

勅某州有兵民之寄而地在疆場之間則常擇用材武
之臣屬之守禦之任爾以能達往抵厥服尚思綏靖以
稱簡求可

劉安等中書省主事令史制

勅具官某等右省詔命之所出也吏治文書非習法令
熟成事不能稱其任爾等皆以命秩往抵乃服無忘恭
恪以慎厥司可

知顏昌府錦維再任制

勅朕待天下之士未嘗不篤於恩況於故舊之臣朕所
加厚則於順遂其意夫何愛哉具官某昔在宮朝事朕
左右今列職秘殿位寵且親而使其故鄉屬以州任
雖歲既再滿然重奪其志是用仍其舊服俾抵厥官以
致朕求舊之仁尚勵爾在公之義可

米濟等轉官制

勅具官某爾以報西出討擊老鷹斬獲首級有司以聞
是用甄錄爾功曉陞位等往其勉矣益勵壯圖可

雖王顯乳母宋氏贈郡君制

勅某氏惟雍王顯於國爲之親且愛而爾有乳養之功故其生也錫之爵邑其歿也飾以恩榮是用追命爾封進於列郡以光幽室尚服寵章可

豐稷吏部員外郎制

勅具官某尚書正本而吏部天官所以綜敘群材以成天下之治即於典領其選甚高是用擢爾之能俾參厥服朕方勵精政理而務在得人爾惟懇於其官庶幾承朕之志可

呂和卿考功員外郎制

勅具官某計群吏之治而明黜陟之法蓋部典領列於左曹接用爾能俾參厥位夫能善於其職固將爾之勞可

韓晉卿莫君陳刑部郎中制

勅具官某刑者所以助治而聖人之所尤慎中臺參綜郎職甚高爾曉達吏方宜在茲任夫惟薦於明恩可以副朕欽恤之心其往懋哉以祇厥叙可

范諤知密州范子諤濮州劉士彥泗州制

勅且官某守土之官民事所屬朕方勵精庶政之日尤務在於得人改擇於朝爾往惟允夫能宣布恩德以拊循吾民而綱理風俗則爲能於其任爾其可不勉欽

陳端翰翰林醫官制

勅某爾父易簡以醫入侍屢劑湯液有勞可旌進爾官用中興寵往惟祗恪以稱朕恩可

沈士安西綾錦副使制

勅具官某明習某方以醫入侍屢劑湯液有勞可旌進爾使名以中興寵往承厥叙無替爾勤可

王瑛揚宗三班借職制

勅某爾等脩吏屬治文書勤亦久矣是用旌爾之請錫之命秩往惟祗飾以稱朕恩可

王從佐知奇嵐軍制

勅具官某崇察壘培本以輯治軍旅及四方旣平而假守之臣實任民事列於有土之官矧嵐谷並邊寄屬尤慎爾以選擇往祗朕命夫能開示恩威以惠養吾人而懷附異俗則爲善於其職尚思爾守無替訓辭可

呂升卿館閣校勘通判鄆州制

勅具官某輿有提封之廣生齒之衆於東爲極郡資政理選授惟艱爾參以藝文列於辭館宜更階品往承厥叙無忘祗慎以服朕恩可

陳康民管勾永興等路常平張太寧授舉秦鳳

等路常平制

勅具官某等朕爲保伍之法寓耕戰之政典農之官屬以兼領蓋分路而治諭制或難固當使宜使之易地是用命爾換部而使夫能利力田之民備講武之令

各奮爾庸不失其職則為能體朕意其尚懋哉往遵通制

早行知無為軍制

御史有言責之臣朕之所取信也言而欲遂其忿聞之私乃至於失是非之當豈獨朕於取信失其所屬益汝之以言為職誼宜當然俾去憲蓋兼榮職秩往臨軍壁宜軼朕心

駙馬都尉王師約轉觀察使制

朕於端威之臣未嘗不為於恩意然其積勤累善不罹罪轉而七歲一遷其官則必循用舊章蓋爵賞者天下之至公朕不敢以私撓法也具官某出于景族選上貴主有屏慎之行無怠肆之失第其職閒宜得叙陞廉按一州以為爾寵蓋爾自初仕迄茲再增厥位皆以歲滿應於遷格則朕之謹于信賞爾之安其常守上下之際豈不兩義俱得哉無忘勉勵以永保於榮名可

崔象先等帶御器械制

勅具官某乘輿所在供御之物無一不備具者故雖甲弓矢屬之以從者亦不去於側非左右親信惡足以任此哉爾給事惟舊宜就並列益恩祗恪以稱厥官

蔡京起居郎制

勅具官某王者言動必書豈獨恩為後嗣法哉施之於已固欲擇語默慎行止也執簡肆筆必也屬之其人爾之第下既已列於右史今復不次用汝使記予事位於

左省士之在此選者希矣而爾之門李並直同升其於榮遇世罕及者朕恩若此則汝之自効宜如何哉其懋厥修以報所受可

王中正糾諤降宣制

朕大興士族屬爾等以伐菴固特舉其集允非徒卻庸收並塞之地而已兵西出則近而爾等東歸綏德回達之路以疲士馬費易乘致功用不集中正義既不審又約有分地當攻其左而不能奮擊以殲除醜類大軍賞吾必信而罰亦安得已哉是用按爾之罪降秩有差其軼寬恩尚思報稱可

封曹諭母制

曹氏國之外屬而諭實爾之出諭既有列於朝亦有追榮及爾是以封之列郡秩以寵名茲為異恩以光幽室

張知均州制

嶺之西南柱為劇部外有險居海聚之民壤錯內為州巡填守詎可為非其人爾比選于朝往備茲任而內不能純齊士吏外不能綏靖事夷致茲驛驛自于邦憲奪其美職優爾偏州茲惟朕恩無忘恩自可

元豐類纂卷第二十二

元豐類稿卷第二十三

制詰擬詞

冊

惟宋祖宗集大命開蹟垂統傳繼在予賴天之靈海內
和洽獲薦珪幣以為祭主惟先哲王享國君民必有儲
兩以相承冀所以奉天地嚴宗廟與民為依長慮萬世
也厥惟故典予敢不率咨爾某生材之卓絕倫拔類羣
訖岐嶷成於自然顯熙光明不繇外獎濟德日茂敷聞
下土將羗王組璫衛京師神示所毘戒夏係屬宜執七
曹位以時安今遣某某立爾為某夫天下之本在太子
太子之所務求諸已而已爾能明其心人不詔其爭爾
能善其身人不戒其隨治亦多術矣要不易乎此也嗚
呼匪得之難允之為難爾能服于訓辭以承我先后之
疏釋俾爾躬無疆惟休惟子及萬邦亦無疆惟慶豈不
遠歟

王制一

昔大漢之興鑒孤秦之敝分土而開者九國當高祖之
初同日而立者三王在莽武之世或支庶之陳屬或宗
廟之近親所以蕃輔京師承衛天子今朕披圖觀地詠
日定封推天性之厚恩本人倫之通誼以隆公室蓋率
舊章某鍾氣至靈生材特異聰明先物不自於錫磨考
愛絕人非錄於獎勵比服公主之寵仍分將鉞之崇林

有顯聞洽於時論是用嚆其審邑列以真王建爾國家
保茲東夏視履威於宰帑增衍食於爰田用強盤石之
基實重維城之勢嗚呼冊之宗廟中戒曰其土風式是
大邦親臨空其名號爾尚無作匪德以追配前人休
無後匪憂以荅揚皇祖之訓俾人預懷宗之慶而身燕
燕譽是祥王其勉之朕命惟允

王制二

昔周建觀威蓋五十三國以蕃輔京師漢封骨肉或建
數十城以承衛天子所以強形勢固根本計慮深矣朕
甚慕焉矧先帝之子朕之仲弟宜膺顯冊建啓大邦茲
惟典常夫豈敢廢某淵靜冲約孝友忠篤不挾其責以
從匪彝不恃朕恩以作匪德奉法遵戒夙夜小心王子
難邦滋久弥邵惟營立之野臨福之中太師呂尚之所
建國燕岱及海天下重地是用立爾保茲東土二公之
儀上將之節爰田真食脩物寵章大告于延威以屬爾
於戲書稱帝堯之德曰以觀九族詩美文王之聖曰刑
于兄弟蓋教自上行愛慈親始先王之道不易之理也
今予命爾不違茲誼尚悉爾心其勛相朕使黎民百姓
於堯時雍繇家及國罔不作孚以孚予一人慎辨方夏
實讓在王時其勉之

王制二

天子反子若其母弟姬姓於周未有不侯劉氏於漢未

有不王蓋親之欲寵其位愛之欲厚其財先王之法人
事之理也其先帝少子朕之季弟聰明齊敏孝弟忠實
富而能約不從以敗禮貴而能戒不憚以好逸奇學深
善朕德日新王曹積年尊職無懈惟斗牛之野太伯所
開三江五湖其陽大海蓋魚金穀天地之藏茲用命爾
式是南郊儀視三公任燕上將真封衍食備致龍章於
戲昔魯公於周大啓爾宇以輔王室康叔於衛實為益
侯以保又民今朕順緒于古以屬爾其爾尚念茲以抵
厥服常諫之澤配前聞人維城之休承我高后在爾
矣往其欽哉

皇子制

朕受天命撫萬邦實承祖宗之威德丕烈永惟先王之
典人君在位必蚤建太子所以重宗廟為天下萬世計
也其粵初在母祥應光見誕始能言則岐則殷王封將
位蕃輔京邑孝愛日格溫恭自然神靈所開人望故為
政刺六藝主器以長生民之道不易之理也其立為基
於戲非朕私于子其惟宋高后之傳序繼統朕不敢忽
惟四方上下之所注心朕不敢距嘉與海內同享于休
播告遐邇其諭朕意

贈第八皇子制

朕惟父子之親人道之極蓋父有天下而隆名重位遠
於其子此恩義之所始而先王之制不易之理也至於

禮命未及奄遽淪亡申以哀榮朕何敢廢皇第八子某
秀拔慧悟天質異甚不好戲豫安於靖恭謂及大成必
為國器蕃輔王室朕有望焉而屬疾久之醫藥備至不
幸大開痛何可堪其於陳迹尚存音容如接永言傷悼
莫慰朕懷今有司上聞朕于公議謂宜秩以三事今于
中臺爵之真王謚以佳號厥惟舊典朕豈能抑是用追
錫備茲異數嗚呼生而有特出之姿不得遂其美歿而
有非常之寵所以厚其終服我命書尚其不昧

王子制

朕隆於親親非特私恩而已所以教天下厚人倫也爾
家慶所鍾王室之出列於使領茲惟異寵往思報稱持
爾成人

韓琦制

躬閱廊之材軀純一之德瑠亮三右格于皇天惟初登
庸合志皇祖仁民愛物日陳上前進賢退奸陰利天下
側陋幽隱靖諸庸回削滅無類及受末命載濟艱難以
已徇時坐定大議天望人事靡無間然市朝不驚按堵
如素海內萬里外薄四夷率職服奔無敢先後昔三代
遭變繼世之初干戈警備陳及門廷書之史官以為後
法以至兩漢嗣位則又閉城屯兵以為故事未有兵威
於庫士散於家而傳序繼統中外晏然如今日之盛也
是錄列聖功德無窮之休亦惟廊廟之上遠畧大慶身

任社稷克濟登茲者也

相制一

夫有保命集于朕躬惟用乂民罔以自逸敷求良弼作為憑依若國就規若正識墨今朕得士諗于在廷其廣博靜淵器於世用推其計畫見於可行收其事功効於已試爾為爾守宜立輔朕茲用詔爾位于東臺嗚呼自周衰以來千有餘歲先王之道藏而不明振壞扶微朕竊有志尚懸朕佐圖惟設施參諸經訓而不遠貨諸時宜而不謬無崇小慧以易大猷無伐已能以距衆善惟實刑在上不可以僭惟聽明在下不可以拂俾厥后克濟其任則爾身永孚于休其往起哉以承我祖宗之丕烈

相制二

有為之君舉賢以自助有志之士遇主而後伸兩常相須而相濟者少兩常相求而相值者寡朕觀前代君臣之際聖賢相與之盛慨然折肱願比迹焉今得其人謠于爾衆其行無繇礪學有本原材諸賢謀猷問惟舊納忠左右匪懈夙宵蔽自朕心命爾予翼列于右相進貳西臺嗚呼自道術不明而世蔽滋久法度多缺而紀綱浸微圖治者以古為迂錯事者以苟為得兵安於坐食而不合於養士習於空言而不知為吏禮義蕪耻闕而不思朋黨比周靡然成俗任之以學數而敗官以墨者方興起之以赴功而便文自營者滋出伊欲黜漢唐之

淺陋追堯舜之高明尚慈相予予忱不虞使千載之盛振於一朝上下之間配于前烈以揚我先后之光訓亦續爾舊服之顯庸

相制三

朕飭正三省網理萬事號令所出本諸西臺閱審駁論屬之黃閣推而達之則在會府以其官之長貳皆為任政之臣鼎足居中各遵其職分守則異合謀惟一時子俊又宜就茲列其身焉學行自幽而顯宣力中外績用彌邵惟文昌政本授叙百度介于左省考慎朕命圖濟朕服爾其往哉朕訓迪治官順猶于古使其弊至大而絀之有要其事至衆而舉之有餘不惟其文惟其實不惟其位惟其人爾允念茲以勗子翼蓋先代之法存於籍者既殘缺而難循當今之宜殊於昔者又并違而易違酌是要應成之甚艱尚迪庶工率若惟新之則亦未寧世預有無窮之聞

節相制

古者出軍之法始於一弁之間遣將之常甫在六官之內師田共務文武同方蓋丁發召之期則士就戎行而卿行於外已征誅之事則衆遵農畔而帥旋於朝歷世雖殊茲致惟一建後王之更造開阡陌以居民隸伍特者身不受於一塵仗齊威者位不墮於九棘其於荷戈抗隊為王之爪牙立憲設施為國之屏翰上下之任古

今則同子得異歸于在列某性質強毅識慮精通東
幾脩身有怨已及人之志歷官行事有承流宣化之功
或揚要極之司更閱歲時之久嘉謀策論簡在朕心廣
舉善聲洽於輿論有國之典以爵詔功宜鳴厥庸矣
爾字建大將之旗鼓尸我一方賜諸侯之士田保茲東
夏以董齊於軍旅以撫和於士民奉帝傳之寵名益戶
封之真食燕隆異敷變勳茂勲於威昔吉甫典兵萬邦
為憲申伯作邑四國于藩宜悉應於壯猷庶俾忠於前
列者揚祖宗之訓子冀為發得人夾輔邦家之基爾尚
為時宣力

待中制

舜用皋陶若股肱之承元首商容傳說如弁楨之濟巨
川蓋一肱之相成或丙求而更直肆朕讀極寤寐良
果得異能屬之大任用揚乎既明論在廷某行跡中和
學通古今從容應物有適用之材懷慨立朝多援經之
論比回期於禁闥豈更峻於擢庭閱歲已既服勞惟情
朕惟紀官之敎又嚴於正者分職之殊固難於覆實為
司徒之空制俾佐號之無虛乃普宗工宜加異數東臺
管轄之任爰遷於昭諸南官朕古之司仍路於端右肅
加臨之注意當益懋於壯猷於政秉國之均夫下之所
取正庶帝之載朕心之所仰成使萬物各遂其生而一
夫無失其所以輔予治性惟政諧

門下侍郎制

朕於天下之事以稟承慶決屬之中書審關駁正歸之
門下而使尚書推而行之此三省所以異任而相成故
長令僕射皆宰相之任而左右省侍郎所以貳之蓋謹
其名者固將循之以稽其實也必使位無虛加人無虛
受以備國家之務然後稱朕意焉某明允修學通今
古以風力之敏見於鑽用以志行之篤重於朝廷擇自
使臣類國機政多引大体朕于朕心雖重正治官之初
介東臺管轄之寄歷選在列政性惟允夫堅一心以在
王室庶萬事以亮天功故之任也其尚勉哉

門下侍郎尚書左右丞制

尚書萬事所出丞所以覽其要門下三省之首侍郎所
以貳其長朕緒于古義以正官輔故合是寵秩以命吾
共政之臣非天下之材足以協朕之謀繁人之望者夫
豈虛授某莊毅忠篤通于古今列於廟堂以義陪朕是
用考擇以為選首使文昌左轄之任舉朝聞泰議之効
明六官紀綱上之所以齊下者無所撓四方奏列下之
所以通上者無所壅以弼予一人而亮成庶績尚懋厥
志無忘訓詞

給事中制

有事殿內之臣職在於平奏述詳命令較其違者而正
之覆其善者而行之至於決獄官人發驛遣使申

察苛燒莫不總焉其任可謂煩且重矣朕重治正官之始思得其人以稱厥位以爾其官忠其篤猶教明於理弊勞聞甚茂朕惟改嘉列之東臺公議所屬惟精敏不辭可以統治要劇惟剛方不苟可以辨白是非爾尚慎于厥脩朕方觀汝之效

左右常傳郎制

左右之臣以騎從乘輿職在獻納可謂親且重矣非器識操行屬乎朕心夫豈輕受某老于文學練達怡謏惟共政動烈在時某直諫多聞焉於自守先帝遺朕調護有勞皆以著名列于秘殿是用考擇於衆慨以茲任朕惟備之試用已效必能秉道不喻惟爾之博通古今必能補朕之闕往抵厥服豈煩訓詞

左右諫議大夫制

諫議大夫掌議論稱美今列于從官實有官責事無大小皆得開陳當其可從則為之更命令易取舍固朕之所盡心而聽也朕方於天下之忠讜惟恐不聞則居是任者直已以事上夫何間哉某聰識強敏明于今古俾職獻者食曰彼宜夫能通上下之情而使朕立於無蔽之地治道之所繇出在彼能任其任可不勉歟

二起居制

孔子稱吾動以禮天下歸仁焉矧託于王公之上言而為令動而為法故必有左右史從而記之所以照得失

明勸戒能稱茲任蓋難其人某文學優深操行脩潔執簡筆有列於朝今朕順于古義以考史官儀是用正爾之名俾仍舊服其尚謹于書法以無曠于厥司

左右正言制

左右之臣以言為職事有得失關於理弊利害繫於人情或方兆於微或已施於命令論皆可及諠無不從選用特殊寄屬惟重正言之始得士尤艱某綽有時材通於立用獻替之位宜服寵名夫上之求乎下者患乎難知下之求乎上者患乎難達使耳目之任無蔽藥石之規必聞尚惟汝能助予治

諫官制

某純明廣博信古知今周爾之長裨有言責夫言人之所難言爾無不盡而聞之知恐不及朕豈敢忘其尚慰哉無或容而已矣

中書令制

虞氏之咨四岳惟亮天功周家之達六官以為民極朕余于古義質以今宜以右省典正於鈞衡以中臺統持於綱紀然是重任時惟宗臣播告在廷其聽新命某敏于學術優有時材以經遠之謀彌綸治具以察微之智練達事機繼履采於禁林連陞華於宰路協宣勞力積有歲時朕惟授職以量職宜循名而責實稽先王之作則以正百官起衆士之赴功庶幾萬務眷言舊德申以

異恩惟化原實繫於內攝俾有勸誥之任維政本一歸於會府仍踴端揆之崇寵秩所加委成彌重宜獨儀制於列位固將叙正往彛倫於殿成一德以格皇天輔子于佑養百工而熙庶績待汝有為其務迪於壯猷尚思齊於前哲體茲注意維往懋哉

門下中書侍郎尚書左右丞制

尚書中書門下三省本天下之務而侍中令僕射為宰相之任舊矣自唐政不綱而失其守今朕董正治官使三省之長皆復其任而於尚書左右丞左右省侍即統有升降使貳吾任政之臣夫綱轄之地與御史更相察舉所以驚官邪明憲度而侍即於左右省無不統理則其所繫於外尤重非傑出之材不在茲選某官端方篤實學有本源預于政機人望惟允某強毅忠厚通于古今謀謨廟堂休有令聞是用命爾以為選首其尚體余所以嚴爾之重勿苟勿隨使百工庶尹皆知爾之不致于法罔敢不正而政今之自上出者罔不得宜以稱朕所次作則垂法始今行後之意爾可勉矣于有望焉

中書舍人制

朕稽于古以正百官使備其名以效其實惟舍人中書之屬以典掌命令為任而况列於侍從則又職在論思方朕明紀綱定憲度以為民極之初非能見於文章何以究宣朕意非能通於世用何以弥綸褒務進在茲位

不其重歟某官某思正仁萬達于古今其文足以代王言其智足以謀治體斷自朕意以為選首其尚專爾之學以善于訓詞審爾之庸以裨于政理使爾能稱厥職而朕預於知人其惟勉哉以抵厥服

知制誥制一

典掌書令之任為左右之臣非獨在於潤色斯文而已固當論思治體以輔朕之不逮朕傳考天下之材然後有所拔用則於付授豈不慎我其強識敏學通于理要祗節勵行忠薦不回朕惟汝嘉使在茲選朕有疏疏業業一日二日萬幾之慮汝則思輔以謀猷忠於獻納朕有作則聖憲施命以告四方之志汝則思達以文辭見於號令使汝為稱任則朕為得士豈不休哉尚其勉矣以服厥官

知制誥制二

贊為名命之臣法當得才一作從非獨在於討論翰墨發揮詔諭而已必將講明治具思獻其可以弼予違故非其人夫豈區授某敏有時材優於學術擢於不次俾典訓詞雖能守其所聞可以輔予不逮維能明於辨要可以見於文章其尚懋哉方觀汝効

尚書左右丞制

本天下之政者尚書也本尚書之紀綱者左右丞也蓋衆職之治亂萬事之廢舉糾而正之實其任焉今朕董

正治官使尚書續其舊服以儀射為任政之臣而六卿各違其職至於綱轄之地所以驚官邪絕謬矣御史有不舉者得升而治之則其繫於軀尤重是以進其位叙使得戴吾任政之臣非望臨一時朕豈盡授某明允忠薦通于古今列于廟堂以義陪朕是用考擇以為選首其尚軀子所以震備之重勿苟勿隨俾百工庶尹知爾之不私于法因敢不正稱朕所以作則垂憲始今行後之意爾可勉矣朕有望焉

左右司郎中制

尚書天下政本左右司紀綱之地故郎選異於諸曹非器幹望實有聞於時莫稱其任其明敏強濟通於世用宜在此位故以命汝創制之初舉墜與壞所以弥綸庶務者待汝有為其尚懋哉以承厥叙

元豐類案卷之二十三

元豐類案卷之二十四

制誥

吏部尚書制

尚書政本而吏部天官所以考擇人材以成天下之務近世既失其職但受成事而已今朕既正官名且將歸其屬任之法之始推行在人其於程能議功之勲頗密當察厥屬謹循科條非得周材曷稱茲位其慮厚仁薦秉義守正刻于侍從休有令名是用選而授之其務將明使朕所以作則垂憲不獨於今可行方當施之後世蓋汝有稱職之美則朕有知人之明尚其懋哉無負厥服

吏部侍郎制

尚書本天下之務而吏部典掌選舉至於所屬之曹有行封爵議勲庸稽功課之事咸以咨焉近世以來職分於他司而位為虛器今朕董正治官使歸其名分豈虛為哉固特循之以求其實蓋明紀綱吏制度以暨百工熙庶績此朕志也侍郎實二其長非獨當脩其官且將推明新制以行今而傳後則其選授豈不重哉其文學行義有聞於時刻于從官獻納惟允是用命爾實首茲選其軀子所以擇而使爾之意務徇厥服使政舉法行稱朕之意惟爾亦永有稱於後世可不勉歟

戶部尚書制

戶部之於中臺為周官司徒之職掌財賦之調度金穀

之出入以待邦國之用歷唐五代征歛煩興而使名雜出此官之職蓋存虛號而已今朕正名以定群臣之位辨位以責廢務之實尚書政本典領經費之司所屬尤重傳求天下之士以宜其官某誠篤敏智慮精密董煩治劇材力有餘民官上卿無以易汝理材之術待汝有為今歲入意廣而歲費所餘者無幾使官用虔節而餘蓄可致公藏贍足而民賦可輕在爾能知其方毋幾承朕之志尚懋爾守以承厥叙

戶部侍郎制

田疇生齒之籍絃帛貨泉之計下以制民之產上以經國之用地官之貳實系總焉朕方因能以用人正名以授職俾服予事必惟其材某頃以通敏之姿久更要劇之任往副民部執如汝宜夫知農之艱艱而有以勸助視財之豐匱而有以均節使公藏贍足而私蓄羨盈服將觀爾之能爾其無懈于位

禮部尚書制

昔舜命伯夷典禮后夔典樂至周并為宗伯之官今禮部尚書蓋其任也威儀度數之詳聲音律呂之別莫不屬焉精微之至所以統和天人順遂萬物其辭可謂大矣矧今典領實又考擇天下之材夫能無曠其官以充吾所以寄為之意歷選在位今得其人某明允直清知經信道制作之事舊惟討論春官古卿是用授汝朕承

百工之敝方欲作則垂憲以成一代之典使五禮之節同於天地八音之和格於祖考天下智謀材諳之士得而用之待汝能釋其官庶幾輔于治無懈于位以副朕知

禮部侍郎制

夫禮之節文樂之和聲所以成三材而育萬物典掌之任秩臣春官朕方考正百工之名而大脩法度之政其於寄為必惟其人某材出土倫學通經術宗伯之貳爾往欽我其思先王制作之方而務知治民易俗之要其於理體非在於鐘鼓玉帛而已尚稽厥職以副予作則垂憲之心可

兵部尚書制

中臺政事所出兵部司馬之任所以典統師徒揚國威武至於按圖辨地駕乘車兵司存之事莫不咨焉今朕考古以正官儀將使處其名者必効其實由是以推朕之志明紀綱成法度馬八座之貴夫豈輕以為人某明達事幾好謀能斷列于侍從忠益居多夏官古卿是用顯授朕思今之兵不與農合故因保伍之法修閱試之令朕夫使民知兵近於古義夫究宜朕意使吏能奉承而民皆備勸以其武之服時汝稽識可不勉歟

兵部侍郎制

夫兵天下之備誰能去之自士不出於井地而將非六

事之人歷世以來皆知古之宜而患夫勢之難行朕獨慨然有志於是故修保位之令明戰陣之數先王之跡康或可幾經營之勤心亦至矣惟是夏卿之亞實參典領之司方正官儀尤慎推擇其材敏忠薦明習洽舛折父之或往往惟汝諧夫能變誘務農之民悅趨謀武之政馴致有漸而狃綸不疎惟無廢爾之勤可以輔朕之志尚思自勉以服訓詞

刑部尚書制

昔舜命皋陶曰汝作士明于五刑以弼五教蓋刑者所以助治而非致治之本也其縱入輕重得失之際人之舒慘繫焉此古之聖王所以未有不先慎罰也今朕悉心以正廢官之任而中臺八座典司邦禁選用之弊得人惟艱其明允通博資以術學服采于位厥聲顯聞秘官古卿是用命汝蓋前世之治斷難為模破軼為園而憲網疎風俗美朕甚慕焉爾尚舛朕之心折民以怨使辨訟白息而王政慶明可不勉欤以輔台德

刑部侍郎制

刑者所以禁人為非而聖王之所尤慎中臺撫領之任秩貳秋官之崇朕方正名以稽群吏之治而大脩制度之文必惟其人俾服予采其慈惠忠薦明習法令參執邦典莫如汝宜夫餘使民無冤亦已善矣惟之可以至於使民無訟爾尚勉哉以承予綱紀四方之志

工部尚書制

昔舜咨于衆囑若子工群臣薦垂往祗厥序蓋繕備與造程聚藝飭五材國家之務不可以不屬之其人今中臺起曹實踐其任矧也田屢衡平水之職莫不歸焉正名之初其選尤重某材力強敏周于計畫更閱內外時籍汝繼俾服冬官蔽自朕志夫詳明品式以訓匠建事使費省於國力寬於人至於鑿地山林溝洫之政莫不畢舉皆汝守也其尚懋式以率厥屬

工部侍郎制

夫飭五材程匠事國家之務所不可已也故共工之事任屬非輕朕方若稽舊章財正官覽恩得智嚴之士以副未擇之詳某開達敏強明習典故冬官龍列俾介厥司考究制度之文紀綱備繕之政在爾能率其職以稱吾經理萬事之心其尚懋式往祗厥服

禮部制

朕正群司之名而責其實歸天下之務而本之尚書故卿選甚高維春官之屬禮樂所出宜得智謀材諳之士以備厥官某業履望實見於世用考擇於衆莫如汝諸其尚舛予畫正治官之意於夫創制之初明紀綱興廢惟知其要乃能圖其詳惟悉心以祗厥服

主客制

朕甚重卿吏之選欲以欽群材貢功實典客之任列於

門曹維時右人宜服茲寵國家之有賞典所以待故有為

膳部制

牲豆酒膳辨其儀數而修其政春官之屬郎秩甚寵詢求有實爾允食言尚恩欽承以稱推擇

駕部制

輿馬輦乘之奉郵驛園牧之治中臺要務主以郎曹敷求得人俾任吾事夫駟之頌譽為之詩也蓋其大旨曰思無邪然則為政之方斯可知矣能識於是夫何遠哉

庫部

甲有弓矢之器乘輿鹵簿之式武藏之任郎選甚高得士於朝屬任惟允夫稽功實以勸賞朕方必行悉忠力於事為爾尚無懈

都官制

條案春儲之人恤其廩給而申其訴競主以郎吏國之舊章爾惟惠茲宜蒞厥職尚恩奮勵以稱東求

比部制

內外經費之事總於勾考之司郎實主之位重省閹爾惟明敏宜能厥官惟時懋哉以服予訓

司門制

門閤禁鑰之事啓閉出入之郎總其籍賦而審其禁郎官之任爾允詢求尚敏勞能朕將考察

屯田制

率也成之兵服畝畝之事所以益邊省饋佐國裕民郎於中臺檢其政令用爾之敏宜能朕所官往服寵名無忘奮勵

虞部制

蒐田有時而澤梁有禁虞衡之守所以遂群生而奉化育中臺典領威厲汝村其恩順鳥獸草木之宜以稱朕愛人及物之意

水部制

川瀆隄防宜其利而備其害四方萬里之遠郎實總領秩甚寵馬爾以周材朕用選授夫知水之不以障而導之使行此成法也推而見之於事待爾能稱其官

御史中丞制

御史府持吾邦法所以糾官邪絕不恪輔予于治非秉義純為望實數于上下不稱其任某強毅肅括以提其身博學精識通于世用是以考禪予數寵以茲位夫有守正向公之志又有能辨是非之明抗論於朝使賢不肖忠邪不失其實此法之所以為治具而能佐吾以善養人之意使汝能宜其官則朕為得其所屬尚勉予訓其惟懋哉

知制誥授中司制

典掌明命總持憲綱非博學有文強毅忠篤曷可以兼斯任茲其志行清夷材資敏達更踐內外試用惟允論

恩榮極肅正朝端蔽自朕知被於不次惟明於赫要可
以見於訓辭推公於是非可以施於剴督尚懋厥守方
觀爾猷

中司按太中大夫制

朕正名以定百官之位辨位以責廢務之實矧風憲之
臣紀綱所屬曷可以不明其任哉某雖敏聞遠一作仁
萬學通古今擢典訓辭遂特邦法宜專分職以應新書
是用進爾之階品在第四俾爾納忠宣力得盡意於中
司以董齊衆工肅正內外廢余之作則更制罔或不廢
在爾懋哉知其所守

責御史制

中執法所以糾官邪絕不格也其可以自為欺且怠欬
其技於疏遠之中服在此位宜殫忠力以拯所蒙而撥
勑大臣既非其實稽其分職則自歸焉朕為之優容俾
從薄責而進對之陳公肆誕謾屬吏推窮微辭明具論
其情則懷詐比其治則察官夫身任紀綱之司而抵冒
若此雖朕欲貸汝而如公議何片守偏州尚仍階品性
新朕志度盡前愆

御史遷郎官制

御史董攝紀綱肅正朝廷於政之有不當于理於臣之
有不協于極皆得言之故吾甚重其選爾有列于此能
勤厥職雖歲月未久而風望甚高今有司奏爾之課於

法當遷吾不得留易之即位使爾知自幼能不擇官則
吾於報功亦有其實爾其勉矣無忘訓言

御史知雜制

蓋無大夫中丞則御史之首當專決廢務實總邦憲朕
選於衆然後屬之其人豈不重哉某敏茂直清通于學
問轍自右史往殿厥司夫振舉紀綱以闡明法度糾絕
豪惡以肅正臣工朕方虛心志在於與人為善爾能苦
口無患於不得其言其尚自強以允公論

監察御史制

御史持國紀綱所以糾官邪齊內外還衆而授厥惟艱
哉爾好古知方強於自立剴察之任往其欽哉惟不回
于爾心以無撓于余法在知所守可不勉欬

元豐類案卷之二十四